



Nuummi novembarip 3-ani 2009

Inatsisartut Suleriaasianni § 36, imm. 1 naapertorlugu Naalackersuisunut apeqqutit imaattut matumuuna saqqummiuppakka.

Naalackersuisunut apeqqutit: Nukissiorfiit pisortaata avammut oqaaseqqusaajunnaarnera Naalackersuisut Siulittaasuata ilisimasaqarfiginerlugu? Namminersorlutik Oqartussat suliffeqarfiutaannut paasisassarsiorniaranni Naalakker-suisut apereqqaarneqartarnissaat nalinginnaasuunerluni? Taamaattoqarsimappat qanga taamaasisimava?

(Inatsisartuni ilaasortaq Malik Berthelsen, Siumut)

Tunngavilersuut:

Siumumiit Nukissiorfiit paasisassarsiorfiginerata kingorna, Nukissiorfiit pisortaa-nerata avammut oqaaseqqusaajunnaariataarnera soorunami Siumumiit tupaal-laatigaarput. Taamatullu pissusilersorneq naalagarsuurtut kismaassillunilu naalackersuiniarnertut taasariaqarpoq.

Sulilu tupinnarneruvoq taamaasiortoqarsimanera Naalackersuisut Siulittaasuannik qisuariarfigineqaranilu oqaaseqarfigineqanngimmat.

Allaalluunniimmi partiimi tunuliaqutaasa taamaattoqarsimasoq sianigerpasin-ngilaat. Juliane Henningsen-immi tusarsimannginnerarpaa, Aleqa Hammondilu pasillerlugu inuiaqatigiinnik putusaarinerarlugu.

Pisimasoq ilumoorsimammatt Attaveqarnermut Naalackersuisoq aperineqarami akiinnarpoq, Naalackersuisunut apereqqaartarneq nalinginnaasuusoq, oqaaseq-qusaajunnaarnermullu tunngatillugu “pisoq oqaaseqarfigerusunngilara”-mik “ingen kommentar”-imik akiinnartarluni.

Namminersorlutik oqartussat suliffeqarfiutaannut pulaarniaranni Naalackersuisut qanga aperineqqaartarlarsimanersut paaserusukkaluarparput? Juliane Henningsen-ip Attaveqarnermullu Naalackersuisup oqariartuutigivaat apereqqaar-tarneq nalinginnaasuusoq. Uagut Siumumiit tusarsimanngisannarlugu nalaas-simanngisannaratsigu kina qangalu taamatut inatsisiliorsimanersooq paaserusuk-kaluarparput?

Naalackersuisut Siulittaasuata pissaanerup siammarneqarnissaanik arlaleriarluni oqariartuuteqartarmat matumani assut maqaasivarput qanoq isumaqarnersoq paasissallugu. Pissaanermi Demokraatinut eqiterussimagunarpoq.

Naggataatigut apeqqutigerusuppara Royal Greenland imaluunniit Kalaallit Nunaata Radioa paasisassarsiorfiginiarutsigu kina apereqqaassaneripput?